


# Tunnulik

**Qallunaatut atia:** Blåhval  
**Latiinerisut atia:** Balaenoptera musculus  
**Tuluttut atia:** Blue Whale  
**Sorlernut ilaava:** Miluumasunut  
**Uumasooqatai:** Arferit  
**Ilaqutai:** Tikaagulliusaat



Tunnulik silarsuarmi maannakkut uumasut annersaraat. Imapissuarni uumasuuvoq, qaqutigunnarlu sinerissamut qanillisarluni. Tunnullilli Kalaallit Nunaata imartaani ilaanneeriarlutik takkuttarput, pingaartumik Nuup Maniitsullu eqqaanni.

## Ilisarnaatai

Tunnulik nalinginnaasumik tungujortoq taartuuvoq qaamigut qasertunik sungarpaluttunik milaqarluni, amia (mattaa) immap naasuunik naaffigineqarsimasarami. Naparutakitsunnguuvoq. Tunnulik aqqaleraangat sarpia nuisarpoq. Anernerata tiffunnera qummut 9 meterit tikissinnaavai.

## Nerisai

Tunnullit soqqaliupput. Nerisaraat peqquaqqat, soqqaminnik imeq nakkartillugu nerisakkatik. Tunnulik 800 tikillugit amerlassusilinnik takisuunik soqqaarpoq, kiguserfianit qullermiit nivingasut. Ullup unnuallu ingerlaneranni peqquit 3,6 tonsit nerisarpai.

### Paasissutissat

Umaffii: Imaq  
Takissusia: 33 m tikillugit  
Oqimaassusia: 190 tonsit tikillugit  
Aqqarsinnaavoq: 900 meterit tikillugit  
Aqqaamasinnaavoq: minutsit 5-20  
Sukkassusia: nalunaaquttap-akunneranut 48 km tikillugit  
Anernerata tiffunnera: amitsukujuumik qummut 9 meterit tikillugit

### Nalunngiliuk?

Tunnullit aasami issittut imartaanniittarput nerillutik puallarserlutik. Ukiukkut nunat kiattut imartaanniittarput, tamaani nuli-usarlutik piarartaartarlutillu.